

四庫全書

集部

欽定四庫全書

盤洲文集卷六

宋 洪适 撰

詩六

隆庭竹至四絕句

憶昨分抄種樹書三荊今古美同株閒將草木供詩戲
待把漁樵足畫圖

竹里巧傳幽鳥語月臺高視客星移鄉園何幸立分鼎

鳴鼓鏗鐘樂聖時

斑籜遠移湘岸種
猫頭亦是渭川孫
百金得諾今無恨
千畝封侯不在言

裝景松篁渾可喜
忘機鷗鷺不相猜
南牕情話有時盡
喚取青州從事來

答景廬久陰遣悶

幾日思君環珮聲
方冬天宇未澄清
衝寒也到臨春閣
處暗如登却月城
整頓建瓴愁雨作
商量設醴卜花榮

錦囊不用詩排悶起看朝雲亦倦行

喜小隱新得山茶

芳園封植閱年華異卉搜求闢小車不羨竹林生石竹
獨來茶塢補山茶遊人認柿枝頭子歸鶴求雌葉底花
我去臨川尋玉茗遙將白雪映紅霞

有人以山茶子為沒蒂柿者

答小隱惠山茶

何處仙官萼綠華鞭鸞獨御五雲車來從月窟曾依桂
分種盤洲不礙茶枝耐歲寒犀換葉蕊歲朝霧錦羞花

紅顏不逐東君老，須著頻來鬪臉霞。

答小隱聞野處開尊

遺我雙魚集，棟華尚疑信。馬謖隨車絲，聲自是不如肉。
酒薄須知大勝茶，翠袖明朝看倚竹。蘭燈昨夜報開花，
飲闌同步荒臺月。古堞危亭見綺霞。

答小隱喜得白山茶之報

素質寧嫌潘鬢華，來時應有

關

車賦傳山谷，文堆繡

種出麻源韻。勝茶不向桂宮藏，玉兔合橫慈觀儷。瓊花

冥按未獲詩先作駐目輕帆泝落霞

憶東閣手植花木用雍陶過舊宅看花詩韻

分根徙核望春栽曲徑幽蹊手自開今日成林渾著子

花時不折一枝來

雍詩云山桃野杏兩三栽樹樹繁花去後開今日主人相引看誰知曾是

客移來

玉茗未有耗而小隱作詩以瓊花為二絕當專

美野處可也

休論官業出金華共樂家林鹿挽車何日尋春携漉酒

有時留客試搗茶望梅止渴寧非夢却月橫枝始是花
祇恐偏枯慚好句空教步障錦如霞

和景嚴送方蒂柿

萬株紅葉詠光華

昌黎詠柿詩正植萬株紅葉滿光華閃壁見神思

嘉實堆盤

走紺車

柿之七絕其一曰嘉實

方蒂寧同牛奶柿朱脣應笑鳩聲

盤茶園官急送須足繭童子爭觀多眼花羅列林珍生

飲興詎思辟穀更殮霞

談苑鶻粟子詩既似柿牛欄又如鈴馬兜笑林有鄰夫自外歸

見掃吹火贈詩曰吹火朱唇動添薪玉腕斜遙看烟裏面一似霧中花鄰之醜掃亦求夫作詩遂改作吹火青

唇動添薪黑腕斜遙看烟裏面一似
鳩盤茶柿有青者但堪打油故借用

答景盧懷舊

了無夢寐到京華來往園林整釣車緩步競移霜後橘
清談旋碾雨前茶虛名長愧稱三鳳舊事休懷判五花
共把詩筒銷永日喜君襟韻秀朱霞

園中觀種樹

望中赤葉漬霜華林下徐行便當車好處見山仍見水
興來呼酒不呼茶旋移朱橘添盧橘更揀紅花間白花

出郭最欣塵事少飽看孤鷺逐飛霞

答景廬報月臺將畢工

新築崇臺款桂華凌虛如跨白鸞車西瓜來自余吾水
遠物誰詢悉里茶不減平泉書草木更尋南部錄煙花
落成有約

闕

講舞袖還看舉綵霞

答景嚴詠山居夾道種松

投黻歸來髮半華居民怪我出無車樹當樵徑頻爭席
地接禪房好覓茶要使行人長蔭樾不教侍女獨司花

十圍五鬣他年事曾見摩空薄

讀作博

絳霞

和景盧餞朱叔召往宣城

與客窺園春未華也須日昃始迴車松間共賞猶頭竹
酒半先嘗雀舌茶雲覆疎櫺香起篆風侵密坐燭吹花
雙谿疊嶂催行色佳句重吟綺散霞

答景盧

落落喬松說歲華

闕

霜骨想專車淪脂此地能和藥

結實殊方却入茶山客拾釵分翠葉野人敲粉聚黃花

脩然一徑窮芝嶺曉見飛雲夕見霞

頃年官池陽見九華山有數松亦結

實乃梁時胡僧移來者

和景盧雨中歎

工徒滯雨望朝華好倩泥蠻指日車茉莉怯寒先近火
瑞香蒙潤免澆茶莫嫌雲暗青油幕尚恐天開端木花
待得嚴霜變陰翳便須酌酒賞金霞

和景盧喜晴

共賦往時楊柳華成邊聊出武剛車天公欲遣風催雪

僧舍方疑烟濕茶巡圃觀橙無墜葉隔溪移杏恐傷花
舉頭忽見雲間日急草詩章慶半霞

閩商貨千葉牡丹疑其非而却之併懷藍憲所
許

星文隕石應皇華鵲語參差雨洗車忽報商人絨韋篋
初疑閩產雜官茶栽培況乃三冬月真贗難分千葉花
寧使雙壇且虛左空吟輕日護香霞

羅鄴牡丹詩門倚
長衢攢繡輓幄籠

輕日護
香霞

和景廬詠新得歙縣牡丹

旁按嘉卉對韶華寶玩明珠闕照車可使東壇無蔓草

如游北苑得名茶闕多炊黍准擬襟期共賞花

醉語美人無闕不教拖帔泣歸霞李賀牡丹種曲美人醉語園中烟又

歸霞帔拖
蜀帳昏

野處送百結花

盤屈枝仍墊葱青葉未稀雙銜疑鳳帶百結類鶉衣弱
骨長連鎖輕腰孰解圍若教花自在應作綵雲飛

野處送金燈花

銀燈未茁有金燈
翠葉森森比劍稜
待得花光無斷續
却須拈出問鄰僧

和景巖詠冬開木犀

桂枝冬更好
浪蕊到今稀
逸韻催吟筆
幽香傍舞衣
月分千里影
風突百花圍
倚策山亭暮
寒鷗亦倦飛

和景巖約賞木犀

藪藪蟾宮桂
冬開自昔稀
犀通一點骨
蜜染六銖衣
樽

綠拚深酌爐紅漸可圍賞花宜卜晝莫待晚霞飛

喜景盧有落成瓊樓之約

地近籃輿便心清俗事稀檐花瓊結佩牕月練垂衣松竹添三徑溪山豁四圍落成歌管集仰首暗塵飛

和景嚴咏新得葡萄

名傳馬乳久物比

閩

醪醑架

閩

鋪薜荔衣孤

根臨水窟踈蔓接籬圍急釀涼州酒西園蓋欲飛

得洛中牡丹

落花天下選千里

闕

園望岫方絨恨憑鶯

闕

踐言羣

葩俱退舍勝日便開樽莫惜詩償債真同香返魂

藍憲所送牡丹道遠失時頗多枯槁

殷勤人有信驚喜得花饒可惜三冬晚來從千里遙根
髮慙潤澤芽蘗頓枯焦儻有更生路寧辭楚些招

答景韋赴調還家見寄

迎歸烏鵲竟傳聲攏落塵埃襟宇清新桂豈容留帝闕
幙蓮且得近鄉城眼邊觸處梅爭破陌上分行柳向榮

如約速來春可探肩輿須去靜中行

韋弟乘車頻有可笑故云

許倩遣舟送花栽

雙舟十日涉長湖
麓斛筠籃且百株
可喜石榴初變白
更驚玉茗不施朱
臨風含笑勞花使
映水分行擁木奴
裝點園林娛杖屨
好來一醉倒金壺

余得圃芝山之麓去春始治畦徑名曰山居中
為芝榭四楹其秋雙芝產於榭南今夏復得四
本而盤洲亦有其二因刻詩以志之

山中曾有采芝仙
此日靈根詎偶然
題柱漫將詩紀實
憑欄真共酒忘年
英華可是丘園瑞
造化元非雨露偏
留與山居作嘉話
未甘草木羨平泉

雙溪堂

負郭藏嘉處
清溪夾岸流
風漪前後起
雲態淺深浮
入戶松橫岫
開牕橘滿洲
心閒身自在
闕事底能留

樣齋二絕句

野色山光列畫圖
坐看漁子入菰蒲
恰如放鷁穿三峽

何事航家問五湖

青翰不動柳陰多
桂棹無聲鳥語和
有此孤舟寄丘壑
可憐平地起風波

侶鷗亭

憩策新亭上波光
入坐來魚遊能自樂
鷗狎肯相陪風
快塵襟豁雲深俗
駕回尋盟須日涉
未怕落霞催

小隱芝草

芝叢盈百見聞希
不數嘉禾連理枝
紫蓋堆雲光點漆

金莖蒙露色凝脂一時競秀園林勝十載深藏天地知
急辦軒楹尊瑞物泥封詔墨有來期

招二弟賞盤洲雙頭蓮

何須艷質鬪鮮粧並蒂紅蕖本自雙却恐花飛成造次
急來相就倒甕缸

紫薇花以六月至自溧陽在道已五十日今有
花滿樹因示二弟

六月炎天千里移不期繁蕊便盈枝向來渾是西垣客

憶得看花草制時

九日欲為雲松之集以病倦而輟

半秋翻藥裏九日負雲松黃菊從他好清尊不我容零
丁憐敗葉旁午羨游蜂今古登臨恨雲迷五老峯

景廬約賞朝天菊不克往

暮節真無分頭風祇自知朝天雖有菊向日不如葵久
旱千株槁深秋百草萎吾衰亦相類飲興謝東籬

除夕

歲盡春雖淺更長夜亦闌枕邊雞送曉牕外鴈衝寒學
圃心常在籌邊力所難老來驚節序那復問椒盤

觀園人接花

植杖看園吏揮斤接果栽奪胎移造化類我借根荄一
似崔為蛤能令挑作梅天工待人力信手便春來

開歲三日有夜雨屢聞雷聲繼以大風晨起飛
雪已盈積景盧作詩即事次其韻

旱災已嘆失秋成春到誰教夏令行風陣驟來收雨脚

雪花未集聽雷聲陰陽改變纔俄頃冷暖乘除若晦明
待向斜川會鄰曲占晴須問蜀君平

雪後遊盤洲

書事斜川日月同行年過四逼衰翁縱情自洗和陶筆
乘興誰開訪戴蓬梅萼僅存難聚雪竹根未穩不禁風
莫將野趣逢人說水上輕鷗西復東

樣齊觀耜

城下經營二頃田倒囊不惜買山錢一犁駐目雨初歇

三徑藏身地自偏
乞米帖來須領畧
相牛經在與周旋
嘗新指擬翻匙雪
旱魃誅夷勝去年

景廬新治西園而亭榭未立以詩趣之

斬新曲徑治西園
野色春來已可觀
便好作亭供客醉
望中流水有時乾

答景廬和篇

致君無術合歸田
誰敢貪榮食萬錢
且對清尊希北海
最欣別墅接西偏
轉頭步隴龍工往
緩步花蹊蟻磨旋

辛苦三農營一飽莫教年賊壞豐年

上元日圃中歸

春風環柳岸夜雨濕沙痕種竹期新笋移花護舊根身
閒貪獨樂舌在戒多言是處無燈火荒涼一上元

次韻梁憲盤洲之集

輕風吹雨稱行春丘壑裝懷我輩人照水軒牕如進艇
穿花旌節屢移輪攜壺闕講三杯酒揮塵曾無一點塵

明日兵廚尋故事已教園吏拂華茵

再和

於越歸來三見春
買山學圃狎漁人
非嫌厚祿輕捐印
所畏空餐詠伐輪
時運可驚如過隙
人生何苦不同塵
明年此會誰重講
唯把書郵問鼎茵

江守置酒盤洲張貳卿兩憲及景廬同集時江
新闕司

皇華分鼎坐添春
隱霧巢松三散人
半月陰雲濃似墨
今朝晴日大於輪
不辭多酌娛浮蟻
何用清歌落暗塵

歸去池塘入新夢
句中芳草醉中茵

再賦

到處爭持麴米春
蘭闌花底湊游人
同盟非是新傾蓋
巧匠誰云老斲輪
倚竹豈無人拾翠
凌波誰想襪生塵
後期直待荷花發
欲喚輕裾上舞茵

醉中三用韻

小車追逐賞光春
花塢行盤走隸人
水面落英如濯錦
雲心初月未安輪
今宵同舉盈觴酒
後夜還凝滿席塵

倒載歸時童稚舞莫教騶哄滓馮茵

雨中排悶

生怕花飛減却春半旬苦雨惱幽人山房挂壁有雙屐
村徑衝泥無隻輪但見淥波侵碧草不須皂莢去黃塵
擁爐更闕轉覺寒威逼坐茵

次韻梁憲再集盤洲

春風步屨共優游闕

園廬匪拙謀羅列清尊資嘯傲

安排好語待賡酬闕

香草裝三徑恰恰鳴禽想十洲

玉節尋盟端不闕
便回天上近凝旒

浮杯

南北芝泉一澗開
穿花度柳勢滌洄
不須元已方脩禊
才遇良辰便泛杯
行止豈由人智巧
沈浮長與客驚猜
急流一去誰難進
却有先游殿後來

送吳遠澤赴南宮

大壓秋闈擘桂華
一鳴天陛穩乘槎
歸來須踏盤洲路
要看荷衣醉藕花

九曲有感

忽忽光陰轉駸駸華髮添迹陳三可歎心賞四難兼

歲三日挿柳

欲教垂柳匝池臺尋覓長河處處栽待得成陰身益老
攀條能得幾番來

次韻梁子正詠棕亭

翦得耕欄製數椽繡衣拈出少陵篇倚楹見水幽情暢
駐屐迷花詩興牽便覺茅軒俱退舍若談竹室不同年

滿山所欠青青藥且趁流觴集醉仙



盤洲文集卷六

欽定四庫全書

盤洲文集卷七

宋 洪适 撰

詩七

梁子正有詩謝牡丹及聚仙花次其韻

天教國色傲春華不肯爭先伍雜花
西洛塵埃長太息名園今日屬誰家

癡坐林間類守株一年春事已無餘
直須九曲添清漲

灑掃樓亭進一盃

玉蕊茸茸映四筵團團如集飲中仙
下方簇蝶非儔匹上比瓊花難並緣

病中憶九曲

新穿九曲望時霖水到渠成病已侵
見說小舟穿柳岸那知清漲入桃林
五旬藥裏長經眼幾日荷花復賞心
夢裏亦知行樂處老來尤更惜光陰

六月鄉城不雨禱賽無應得建康書一雨連半

月至以望日勾晴感而有作

蒼蒼太手熟歲歲厄吾鄉千里均州縣三旬殊雨暘誰
云不私覆迺爾分此疆遂令遠游子轉盼生炎涼

江鳴玉遺蒼梧二蒼鶴其一病兩日而死陸魯
望詩云醫鶴自須監吾鄉人醫尚無良手況禽
醫乎

病骨摧頽露難草埋長脰委蒼翰吾鄉尚欠肱三折
況有禽醫為一看

八月下旬觀邸報二絕句

黃卷漫窮年天梯欲上難問閭聽小子競欲裂儒冠
歎息東坡老聰明誤一生不須多識字捷徑自橫行

婺源乃歙之劇邑素有湯鼎之謗頃治此郡俾
邑官作止沸之亭而不果吾宗應賢下車而風
俗易書來求扁因為賦詩

琴堂少值烹鮮手壯縣空遭沸鼎名止火絕薪俱下策
風移全在長官清

宗人應賢婺源張氏之壻也治邑清介一無所
私其列獄詒書郡幕至以邑尊稱之其里諺如
此戲成絕句

自昔為門壻于今是邑尊秋毫無假借情話與誰論
朱叔召遺文官花二絕句

幻出荷衣點雪衣更將龜紫換牙緋人中巧宦誰知此
好向天街揀翅飛

綠心變却初時白紫色由來昨夜朱學得文官何足道

但堪花徑駭僮奴

再賦

不用風人怨綠衣身兼魏紫與潛緋
司花真為文官地可忍春殘一片飛

解褐方聞上玉除寵光轉眼疊金朱
大夫不博喬松貴嘉橘千頭也作奴

景廬蟪洲

芳洲編地志老蚌隱澄灣軒楹今清絕
全勝合浦還

蟻橋

堤長交柳蔭橋狹束荷香掩戶回
逋客憑欄狎漫郎

索笑亭思景嚴二絕句

往日江梅發巾車數數來自今
花索笑不復共銜杯
常棣春來減人如折脚鐺倚欄
思舊事老眼淚縱橫

次韻景廬賞梅

曲塢梅藏白東皇解出奇不嫌
歌板闌直與酒尊宜倚
竹盟三友凌風聚一枝清標何
水部千古說能詩

石鼓詩

天作高山太王荒鷺鷥一鳴周剪商邠卜年大蒐講
諸侯斂衽尊天王六月中興繩祖武平蕩戎彘境土
石崖可鑿詩可鐫千載神光薄西許橐駝輓入大梁都
壁水湛湛河出圖中間兩鼓備章句日惟丙申不模糊
左驂秀弓射麋豕有鰲有鯨君子漁光和石經屹相望
詛楚登嶧非吾徒辛壬癸甲鴈分翅橋門觀者堵牆如
星沉東壁干戈起首下足上天倒置景鍾縻碎九鼎飛

王迹皇風吁掃地羣凶扛石徙幽燕兵車亂載色無殫
鼓火礪角小小爾為礎為砧多歷年宣和殿中圖復古
冠以車攻次十鼓韓詩歐跋盡蕪收雲章剖判定魚魯
先君辛苦朔方歸文犀拱壁棄弗携一編什襲自鐫秘
更有司馬鳳翔碑我生不辰今已老岐陽三雍身不到
匆匆奉使接浙行在耶亡耶問無報整齊篆籀飾牙籤
簡撮篇詠勞窮探致主有心歌小雅江顏無術下登三

丙申臘二十五日落一左齒

行年六十已中枯雪映衰髯歲至除一齒驟然離左輔
益憐大嚼遠庖厨

野處孔雀為狸所斃

遠程萬里起南溟文采歲蕤掩畫屏展翼來朝金翠晃
疎身輕舉鵲鳥停園中但有辟蛇法山下相望麀鶴銘
野鷺家雞隨處有孽狐何事獨淫刑

過濠上

心隨溪水清目逆岫雲生不憚躡芳屐橋南鷗乞盟

豹巖之北脩竹數畝中有叢冢數十百處皆紹興末年所寄予得此地先定規撫某處起亭樹某處植花木七八年間成畦徑矣所寄之櫬願移者從之不强也作壘之春有姓淡人來啓蔽闕日攜挿掘土數尺敗棺俱在朽骨為土所蝕頗亦不具皆包裹而去後數日忽訴于縣于州于外臺追問證治踰月始定今不復塞其故穴欲使孫曾知之故作此詩

未央長樂宮中有槁里墓沉沉天子居咫尺穴孤兔乃
知古聖人如天覆下土雖袒裼裸裎四目曾不顧賢哉
季武子杜殯迫西廡堂皇步武接松檟暗鍾鼓桃茢不
屏除芻靈許來祔忌諱後愈多今人不如古曹瞞好發
丘凶德孔璋數掩骼埋其骸人當事斯語我老得歸田
買山因學圃鬱鬱琅玕林叢冢不知數豈忍去枯骨為
我展杖履恣其笋侵畵不使種瓜瓠花木列四旁亭榭
亦回護數年畦徑成或徙或如故尚有獷悍人珥筆巧

誣訴無言事自明有物衆所覩舊壙今弗堙朽木且支
柱尚恐妄男子輕傳市中虎書事示孫曾無心覓佳句
席上見姚泉壽母諸子求詩

潘輿隨五采三釜古今榮蘭王盈塔砌追攀千佛名
董伯魯以詩送川海棠用韻荅之

花栽趁上春重趺疲雙足何日對仙姿分題同刻燭

次題景廬題龜巢

拙速誰云勝巧遲新亭結罷得成竒細看遠水兼天淨

可但中秋觀月宜出郭自欣三徑樂枕流今有幾人癡
巢蓮千歲同歲穴一笑泥塗曳尾龜

三月十六日龜巢觀月渭師攜寵同賞後兩日

大雨復作景盧有詩同其韻

潛鱗故故上鉤遲翠袖憑欄自一奇半夜醉歸閒有趣
一年春盡事如宜盍簪何憚再三瀆覽鏡堪嗟六十癡
已辦尋盟臨斫鱸不將可否問蒼龜

四月十三日流杯次景盧韻寄渭師

今年無好雨，曲水未勝杯。
誰伴山翁醉，難令俗客陪。
青苔迎馬入，綠柳闕步濠梁。
上垂緇更樂哉。

流杯同景裴韻

三春少雨未行觴，槐影交加更漏長。
半夜水來山澗滿，四簷竹密酒尊涼。
新亭方作龜巢葉，畫棟何妨燕語梁。
滿引三觥拚一醉，老來真箇惜時光。

流杯次日連雨渭師有詩次其韻

入夏濃雲日夕昏，舉頭煙雨暗前村。
風隨重客清葵扇，

月為佳人射翠樽依舊建瓴歆屋角幾番携杖失溪痕
小枰已在紗牕下欲把明瓊看倒盆

趙侍兒覓小棋局次日與之

再答

投老無能千慮昏歸田

闕

令村長因步月成三影

難得朋雲共一樽水漲溪橋孤釣隱雨侵山徑洗韡痕
寓公在此寧黔突會有容光照覆盆

景廬開尊阻雨展日復用前韻寄之

逐婦鳴鳩急定昏不堪烟靄弄千村掩關盡日資筇杖

改席何時對瓦樽
雲暗松皮多節目
雨傷梨頰有癰痕
溪神若也心無事
迎出常娥照玉盆

雨中排悶

飯牛戴笠牧雲昏
掩得斜陽過別村
戶外涎蝸行半壁
牀頭渴鼠側空樽
花殘鶯老渾如夢
水到渠成不見痕
天意未晴人未飲
家奴款曲辦粃盆

再賦

月在雲中破鏡昏
幾時清影散林村
杖藜難去尋漁艇

洗盞無因續蟻樽
竹葉弄風添秀色
榴花帶雨露啼痕
不如坐捲珠簾醉
喚取佳人笑拊盆

庚子山居采茶有感

憶昔采茶時
雨後山蹊濕
鷹爪喜盈簷
蠅眼思朝汲
歸路取盤洲
下吳行蹤急
珠汗透裳衣
更換登梯級
徙倚曲欄干
鳴鴈圓沙集
晚景不勝春
寒氣潛相襲
詰旦傍裝臺
敲側人扶立
興疾望醫來
誰煮青黏汁
舉按念齊眉
幻泡何嗟及
重到故園門
不忍攜筇入
引領顧前丘

空對旗槍泣

一春置酒必苦風雨今日幸晴而景廬有行色
一春風雨兀遊遨此際開樽始解嘲恰恰鳴禽藏柳陌
訢訢嫩葉迸花梢離筵欲動愁分袂勝日何妨剩出郊
燕寢香凝公事了頻將書札問龜巢

次景裴席上韻

桃李紛紛已半春海棠睡覺晚粧新龜巢剩有千般景
瓊報渾無一點塵酒未舉杯風逐客詩方拈筆雨催人

從今只揀晴和日草草杯盤勿厭頻

用景廬諸公詩軸韻招監司太守

淺白輕紅笑倚門何須雪夜憶前村韶光定入詩人句
勝事難逢俗子言風振繡衣須命駕雲隨皂蓋欲窺園
人生易老愁春老問柳尋花故事存

景廬數日枕疾復用前韻

半載悠悠只閉門不知紅綠遍千村山川滿目供衰境
桃李成蹊出怨言可惜花飛聊洗盞何期雨作阻行園

車公不出須重講檢校芳非心興存

答景裴

春來啄剥少登門澁雨慳風笑我村橋上垂綸裝好夢
花邊倚杖記前言長楊美竹雖當戶語燕流鶯不到園
此會明年千里隔詩筒猶有置郵存

席上遺景廬

白髮歸休

闕

生棣華酬唱得娛情雙旌欲指閩中去

三徑誰同月下行蕙帳風清知鶴怨蘋洲波細憶鷗盟

新壇留

闕

人千里

闕

相思淚睫橫

枕上示景盧

朱幘皂蓋有行期暮景無情惜別離
枕疾半旬垂語笑急風吹雨淚垂垂

南憩番禺北抵燕片帆西上駐荆門
平生不作東甌夢

荔子丹時

闕

荅太守謝牡丹

華髮歸來不記春優游學圃傲江村
已欣勝日臨千騎

漫折香霞佐一尊對竹便當尋水曲藏花那肯效慈恩
行廚若有真消息奔走畦丁急掃門

劇談錄唐慈恩院浴室有鞋紅牡丹

一窠千朵不使一見會昌中
老僧漏言為朝貴強掘去

懷景廬

菖蒲節近暑風高常棣叢疎月影交清夜不曾空鶴帳
浮生何幸老龜巢酒杯獨引今無侶書卷閒開共苦抄
想得公堂鳬驚遠須懷西塢欠誅茆

答徐守

改日開尊已十成冬曦烘地晚來晴江梅獨報春消息
應笑羣花太薄情

不教絲竹沸曾臺促席飛談懷抱開夜半夢回聊趁韻
媿無好語答瓊瑰

排悶

數日雷中雨凝寒向陌頭出遊閒豹舄危坐索狐
裘怕冷杯常執扶衰杖屢投滿園冰木稼天遣阿
誰憂

雪中歎

連綿春雪助凶年，十地盈庭大可歎。
詞客罷吟雷散漫，園夫漸報竹平安。
烏鳶腹餒飛穿屋，牛馬毛寒病倚欄。
天意欲添人殍野，四時玉燭古來難。

答裴弟

常棣成陰慰暮年，困人春雪好長歎。
閉門終日詩頻和，伏枕盈旬病未安。
已遣携鋤移竹徑，更思杖策整花欄。
飽聞冰下游魚躍，所恨雙溪一笑難。

憶昔

跨馬春衢裊翠鞭垂綸圯下解魚船霞飛綺散無蹤跡
依舊清霄月在川

寄景廬時往豫章

聞得荼蘼語牡丹蜂回蝶散恨春殘西山柱笏晨光爽
北海空樽夜漏寒徐孺堂中全下榻滕王閣外久憑欄
歸來已失蘭亭集照眼榴花待細看

辛幼安稼軒

濟時方略滿襟冒卜築依城樂事重豈是求田謀萬頃
聊因學圃問三農高牙暫借藩維重燕寢未須歸興濃
且為君王開再造它年植杖得從容

盤洲文集卷七

欽定四庫全書

盤洲文集卷八

宋 洪适 撰

雜詠上

芝徑

金莖豈受塵三秀已通神不競銅池瑞逢蘭肯卜鄰

種秫倉

種秫無多子猶勝避俗翁盡將供釀具不復用青銅

芝泉

美瑞山祇管幽泉地脉通漱甘冰熨齒短綆走溪童

草塘

茸茸春草茁碧水涌方塘入夢無佳句看雲憶對牀

魚臺

掩關麾俗子裂網禁畦丁臺下魚相賀溪邊人獨醒

允橋

橋橫桑下澗望處極西郊有客同飛蓋何人伴結茅

泛杯巖

酒進鷗鷺杓花隨翡翠盤巖邊多怪石巖下有奔湍

九曲

風輕杯蕩漾岸曲水逶迤遇坎亦可喜倒行羞接羅

樓亭

乞得楸欄葉都將當屋茆青青誇藥甲可怕杜陵嘲

一詠亭

有水足浮醴寧拘秋與春共將詩擬古不必語驚人

小垂手

九曲
二名

醉袖起如舞翩然三島仙約君為石友伴我傲林泉

醒酒石

平泉醒酒石以水沃
之有林木自然之狀

名高牛氏品地接燕兒窠有客圖沉醉翻嫌石是魔

墨沼

鑿地肖風輪洗雲吞月扇敗墨起緇塵山陰勞北面

既醉亭

酒半興方濃甕空疊弗恥更看一籌輸各盡三觥醉

溪簾

雨過溪添綠橫澗自在流水精簾欲捲何處著銀鈎

可止亭

循除泉漱石改席酒分船到此須知止行前將陞淵

鵝池

路轉左畫方水來斜中矩不解寫黃庭倚筇看白羽

流瀑

高坡勢建瓴觸石驚濤沸入耳轉聲清廬峽參差是

薜蘿澗

夾澗榮薜蘿倚竹顏如玉溪魚大上時臨流香可掬

菊澗

夕英色衰落小摘尚盈襟錯會離騷意元無滿地金

末利菊

化工將末利改作壽潭花零露團佳色鵝黃自一家

雙溪堂

溪光搖四壁瓦影落中流洗耳百聞寂清心千慮休

樣齋

隨波堪泛宅因壑遂藏舟坐穩無維楫任他風打頭

雲葉

雙溪
四石

支機何代石風截秋雲根一葉下人境坐令臺榭尊

嘯風臺

於菟嘯空山萬竅寒風出隄防飛將軍漢箭有神物

蜂房

石是蜂窠變蜂來有處藏不須開戶牖薜荔為穿房

磐礮

有竿不見綸
無綸焉用餌
終日坐釣礮
旁人笑兒戲

問柳橋

濡毫求露柱
墮履望奇書
問訊綠溪柳
新條可拂裾

鳳柳

春情百尺牽
午影三眠過
脩眉漫成顰
細腰誰類我

蓼岸

岸蓼花如糝
殘霞照晚汀
不教資麴蘖
留得隱鷓鴣

碧蘆步

津頭晚風急歌倒一叢蘆宿雁逢清泚飛來作畫圖

西汧

春憑西汧窻夏卧西汧榻待月最宜秋探梅還度臘

扁舟

非厭人間事不携西子游聊將去越意指此作扁舟

飛廬

浮家今得計舉棹疾於飛一笑兒童舞芳蓮當妓圍

采蓮舟

聖得三峯藕剝為一瓣蓮著身猶不穩何用濟長川

彩鷁

興來飛畫舸汎汎水中鳧綠皺移歌扇紅鮮近酒壺

飯牛亭

冬耕春復犂麥秀禾方插少放牧兒休莫教牛力乏

西疇

代耕荒幼學投老樂歸田鹵莽人之罪豐凶勿怨天

土湖

波濤送客帆松竹圍僧舍野趣望中來西湖常減價

石街

竹弟石兄出
玉川子詩

一丘封竹弟萬石齒金昆收拾甲乙品莊嚴可款門

有竹軒

前身豈汲直枉尺天所難賢哉耐久朋結盟同歲寒

斑竹

帝子登湘岸臨風粉淚彈梨花多少雨點點透琅玕

紫竹

拾青容色混著紫寵光偏幽逕留風月行多履易穿

方竹

體方如就矩幹直匪從繩杖有削園厄提携先摸稜

人面竹

怪竒存相法妍醜出天真此君無二貌正是葛天民

貓頭竹

穹枝迴鳳尾健筍迸貓頭安得真致此勿為羣鼠羞

慈竹

義居傳九世瑞物記三荆何似同根竹春風一死生

笛竹

蘄產名天下含颺別樣青中郎如一見應不數柯亭

箭竹

美箭東南出成林地不慳安邊如有將寄與定天山

洗心閣

飡霞吞沆瀣一吸千頃湖默坐更深省心塵今有無

橘友亭

倚欄歌橘頌巡圃款甘林更待商山老於斯朋盍簪

繡橘

后皇權植物奴婢徧江干繡戲一林橘高擎黃玉團

脆橙

謂橘不盈握勝橙頗進皮香蘼難共搗遮莫蟹螯持

金橘

道州者

朱襦千里變金彈一分增入口蜜相避懷歸誰不能

羅甘

羅包肌理細霜顚輔車香封殖貴瀕水踰淮非我鄉

常棣徑

已廢蓼莪篇難荒常棣徑步履不思歸共看花弄影

花信亭

時時風報信處處雨催粧大賚一年景均輸萬斛香

牡丹

綺麗偏宜畫香霞獨占春洛陽荊棘久誰是惜花人

勺藥

名標溱洧贈根自廣陵分所欠盤盂玉黃樓儘不羣

丹桂

無癖不譽兒有詩非責子丹桂幾枝芳對之空潁泚

瑞香

紫苞楊柳葉奇絕錦熏籠香氣闌襟袖清尊為汝空

白山茶

亦曰
玉茗

自讀文成賦經營巧作難涪翁真溢美何似鶴頭丹

白榴

恥上舞裙帶願依九琳寔韶顏今換骨阿措使心降

末利

膚瑩過凝脂香濃遠隨步應有看花人入園心見妬

素馨

繁盛閩南粵潛藏霜雪天素雲生寶髻賸馥借龍涎

含笑

自有嫣然態風前欲笑人涓涓朝泣露盎盎夜生春

木犀

逋客敢欺桂秋蠟曾遣風古香吹一再如到廣寒宮

文官花

破白便懷青紆朱旋著紫鼎鼎一春忙浮夢均夢蟻

聚八仙

圓整裝花蕊周遭列飲仙瓊英難上偕簇蝶不同年

衮繡毬

流蘇團小蝶伯仲聚仙花衮繡名非是瑤琨未足誇

水梔

鮮支即支子
出子虛賦

鮮支形相小石罅解蟠根香湊芝蘭室居便水月村

重杏

重英迷宿雨巧笑聘春風壽汝一卮酒勿嫌肌太紅

紫薇

十年三雁序接翅紫薇垣花下哦前什難酬明主恩

木蘭

未識春風面先聞樂府名洗粧儂出塞進艇客登瀛

茶蘼

青條散蛟螭素艷欺瓊玖體薰塵外香骨醉壺中酒

玉瓏鬢

此花得之臨川謂之玉堂春或云閩中謂之玉瓏鬢浙中謂之睡梅唐人有霧

花詩云園林初日靜無風霧淞花開處處同記得集英深殿裏舞鬟齊挿玉瓏鬢疑即此花也

品軋醪醪架名疑霧淞花

閩

假借可但鄙金沙

山茶

平泉窮勝事南守送名花寓意懋多愛勞人召怨嗟

黃薔薇

彤闕收紅綬金門賜鞠衣闕無纖刺冒一摘便須稀

紅蕉

嶺外花無數分移頗歷年破除猩血染舒卷蜀城牋

海仙本名
錦帶

人來認海棠却訝枝條弱嫩蕊不勝春生怕東風惡

繡帶

蜀艷停針久柔荑着意描五文縈色線百寶簇芳腰

荳蔻花

治葉擁香苞盈盈二月交相思意安在試去想花梢

麗春

纖蕊小作罌瘦殼元無粟色麗品少雙詩成看未足

長春

四季花長發朝朝得細看絳英能受暑綠刺更禁寒

水仙

龍宮陳酒器金琰白銀臺欲結塤簾伴無踰綠萼梅

剪春

巧剪鮫綃碎深塗絳蠟勻殘英枝上隱踰月逞鮮新

玉簪

月娥新琢玉何夕忽遺簪斜插風鬟濕蟾宮底處尋

麝萱

手撚雛鶯羽鼻參香麝臍千憂何處散芳徑酒爭携

玉燈

葉如薏苡長花比金燈白一簇蕊宮仙銀燈滅與獲

關日紅

一名落
地錦

紅英關日開暮落錦成堆不藉西風力孤根委草萊

佛桑

展葉柔桑沃裝叢醉纈繁定應西域到略不耐輕寒

木芙蓉

離騷采薜荔兮水中
擷芙蓉兮木末蓋言水中無薜荔可采木末無芙蓉可擷

猶緣木求魚之意與古詩涉江采芙蓉皆指藕花也韓文公木芙蓉詩云采江官渡晚擷木古

祠空乃

誤用耳

川陸有芙蓉名同物不同采江擷木句作麼誤韓公

黃拒霜

芳林秋冷落木末改黃裳可笑名虛忝何曾拒得霜

小黃葵

拂金鋪細靨騎鵲墮新翎花小也傾日芒寒猶聚星

金鳳

九苞滋雨露五采燭軒楹奉送歸丹穴朝陽幸一鳴

雞冠

未觀金距闕已怪左輪殷一夜風霜作垂頭急挂冠

石竹

丈與可詩蜂蠶紅
蕊爛蕊啼碧叢短

鶯紅蜂好鬻路細麝來眠若也栽幽處踰冬色不薦

黃鶯兒

鸝庚翻柳去拾羽漬輕花戰戰枝如壓無風勢亦斜

真珠

細簇盤洲岸初驚合浦還娉婷邀十斛借取買青山

鼓子

抽蔓類牽牛含芳伍萱草上上不知休高柯壓纏繞

金錢

鑪熾陰陽炭金錢滿地流何人能點鐵笑覓富民侯

盤洲文集卷八

欽定四庫全書

盤洲文集卷九

宋 洪适 撰

雜詠下

金燈

燈焰既埋光幽蕤不露黃阿誰驢喚狗為我問花王

百結

體輕難受雨枝軟不禁風全賴結蟠力能超造化功

後庭花

月滿臨春閣雲隨張麗華隔江雖度曲破國不因花

凌霄

天借憑依便雲霄若可凌莫教風拔木却羨水飄萍

杜鵑花

山深啼杜宇濺血染花心閨苑未歸去不妨留鶴林

玉蝴蝶

贊皇褒簇蝶京洛古來稀一陣雄風起穿林粉翅飛

苔

亦名綠錢陸龜蒙石竹詩而今莫共金錢闕買斷秋天是此花

赤憎賓舍滿雅稱落花留縱使金錢好如何買斷秋

虞美人草

尤物鍾芳草虞兮奈若何動搖緣體弱非是感悲歌

睡足亭

露重宿粧凝地偏春睡足卜夜到橫參却須高舉燭

黃海棠

漢宮嬌半頰雅淡稱花仙天與溫柔態粧成取次妍

垂絲海棠

脈脈似崔徽朝朝長看地誰能解倒懸扶起雲鬟墜

孤松

昂霄蒼鬣五獨立幾寒暑不肯在雞羣自然羞曾伍

菱灣

食芹知獻君嗜芟不忘親大節全忠孝勞心思古人

焚曲

焚槩平曩水雁喙飽吞風剖蚌珠驚坐清談拳屢空

林珍亭

主林時獻供它壤昔移根秋後收梨栗傾奩得弄孫

櫻桃

園官來獻熟萬顆滴堦紅綠李高名品須知論未公

蒲萄

虺蔓奮長鬚累累明月珠休傳釀酒法萬一誤分符

雪梨

魁然釘坐珍落刃雪分身酒渴思吞海加邊縱與人

鶯梨

新鶯借顏色甘蜜添滋味憶得賞花時闌干帶春淚

林禽

蒙潤碧千顆迎曦紅半頰閱古憩鶯池牽連青李帖

竹村

一任筍侵疆何妨鞭礙道千戶廣侯封三家結村保

竹屋

棟梁無一木眼底盡龍孫千畝清陰合出門人灌園

灌園亭

好手善和羹，非才當抱甕。加點苜蓿盤，丁寧及時種。

西瓜

癸亥年先公自北方帶歸

萬里隨邊使，分留三十年。甘棠遺愛在，一見一潸然。

罌粟

美豔亞羣花，千罌倒儲粟。飲客醍醐漿，可以代醺醖。

瓊報亭

珍物再三投，英瓊修永好。以茲君子德，不作衆人報。

木瓜

碩果宣城得花膚易地無上樓要脚健不假瘦藤扶

矮桃

結子卑枝繁成蹊長策捨飽殺駙朱儒誰牽果下馬

崑崙桃

滿樹鳩

上聲

盤茶曾開勝錦花奪胎春薄相刻畫攪詩家

朝天李

長柯渾直上茂葉不橫生縞夜心傾藿朝天荷美名

破核李

葦綃歌鼠穴翠質臨槽井自破核不鑽通行冠可整

嘉慶子

壬午年仲弟使邊過此果熟帶其核歸種

雪豔燕脂萼京都核遠來遊人初識面不作李花猜

繭甕亭

倚檻課條桑作繭看成甕我亦效吳蠶踏破愁清夢

沃桑陌

植桑非一日斬伐良不忍亦欲後人知愛奇仍務本

六枳關

分付司花女誰何六枳關少年輕薄子驅去勿教還

碧鮮里

勁節舊捎雲新添老大根何年居此里著處長兒孫

柞林

柞樹何人種成林不亂行漢家全盛日宮殿對長楊

桃李蹊

粲爛九張機交加五雜組蜂蝶勝於人東來又西去

凌風臺

老根呈冷豔鼎立傲剛風危坐層臺久衰顏得酒紅

蒼鶴

吭赤羽毛蒼華亭雪羞比昂昂鬣露仙鬪作遼東豕

馴鹿

呦呦忘野性掉尾草中眠寄語射生戶深山空歲年

猿

擲果心頻喜攀條臂暗通有懷清遠峽雲斷玉環空

野綠堂

綠流排勁草盈野鞠長蘆烟樹高低見如開平遠圖

壁立萬仞

野綠五
石屏

立壁無蹊徑纖塵不可留若知心匪石那復為身謀

千巖萬壑

屏開山弄巧巖秀壑爭流漫作剡中夢難尋雪夜舟

橫坤一練

滄浪東入海神禹了天功誰解聞雞舞來招擊楫風

疊嶂

愚公移疊嶂神助到盤洲
細問昭亭路今非風馬牛

月娥留照

星稀天隕露山靜谷生風
萬古雲中月炎涼無異同

隱霧軒

平昔慕文豹管窺纔一斑
誰言披宿霧吾欲老茲山

豹巖

九仞基人力千峯奪地靈
日長頻拄頰霧暗可藏形

楚望樓

魯詹尊岱嶽楚望指江流地占山川勝小哉雲夢游

巢雲軒

羌廬騰爽氣非霧擁樓居夜鶴能知我鷓鴣甚起予

駐屐亭

長林勞屐齒植杖解冠衣覓句題青竹不知孤鶩飛

郊扉

尺五蟪蛄境繩樞每日開抱關無約束俗駕望風迴

濠上

大魚緩揚波小魚輕觸芰魚樂我能知我來魚不避

野航

短篷收輯濯欄楯占濠梁受得兩三客更添垂釣郎

龜巢

眼看蓮葉巢藏六可論文但得滄洲趣何嫌蠃蚌譌

魚

心嫌大吞小不忍喚漁蓑皺月年年減潛淵漸漸多

白龜

張籍詩天欲雨有東南
風南溪白龜鳴窟中

往作清江使身遭七十鑽南溪今自在魚鼈報平安

綠毛龜

青髯千歲壽綠髮九江稀巢葉相漸染沙邊曳水衣

澤芝亭

花開常比兩葉巧或盈千獨步南風裏繁英愧在前

雙頭蓮

駢花先總角一體素心同可是鴛鴦瑞于飛幻碧潯

重臺白蓮

綠房韜紫的玉片踴重葩公論評優劣難私解語花

多葉紅蓮

步有凌波襪掌為承露盤尚嫌花片少千葉映朱欄

槐

花黃秋欲半昔歲一番忙謬應魁三象深慚王氏堂

流憩庵

日日來無數周流足也疲安排憩策地准擬曲肱時

欣對亭

臨清莫三歎對景非一欣
緩踏溪南路怕驚鷗鷺羣

錦雞

冠距山雌比誰來斷蜀機
爛斑兼衆采似戲老萊衣

溪瀾瀾

籠寬毛不損境熟意能馴
自得寒江樂何憂采捕人

拔葵亭

屢中饒菜把足以給盤飧
不逐露葵去定遭修竹彈

容膝齋

寸地有別天斗牖無長物吾身容易安此膝不可屈

芥納寮

地戰兩蠻觸氣吞九雲夢何以納須彌是中甚空洞

夢窟

世事一場夢山樓冬復春花邊侶蝴蝶不省宰官身

梭

剖心青掌露蓬首紫髯垂花孕魚堪饌枝重鳥不窺

木竹

竹葉木枝柯葱青光可鑑桃竹最名浮自知蕭洒欠

蘭

清馥畏人知辭山便泣岐請將紉雜佩不去傍蛾眉

藥畹

自笑桑榆景猶貪草木滋烟霞成錮疾良藥豈能醫

仙茅

臨江許仙觀所出庾嶺亦有之羊食之者為乳羊

許仙初拔宅靈草迸香茅能使羊無血云何命在庖

黃精

一名鹿竹
亦名菟竹

葉細渾疑竹叢輕却象花果然能辟穀誰不護萌芽

薜蘿

其根
芎

菲菲芳襲予采菜葉敷碧捐軀陸羽輕箝口陳琳檄

芷

為愛草中香靈均詠藥房行山踏蛇虺繫肘有名方

地黃

塞耳可治聾下咽多去病九曝不辭勞蚤衰諳藥性

茱萸

覽盡輞川圖擊節茱萸泝九日秋子來黃花為酒伴

玉虹洞

天晴玉連蜺洞邃香吞吐趁逐牡丹時游人推不去

綠沈谷

杜詩苔卧綠沈槍皮日休竹詩一架三百本綠沈森冥冥

塞翁馬論谷山房谷名竹千駟後無聞一竿清亦足

聚螢齋

廣野螢如織涼郊書好觀借光須缺暑莫遣繁頭乾

螢

得夜不韜藏飛星亂草塘都綠光影誤無路出書囊
美可茹亭

勿誇萬錢食可畏五鼎烹采山逃後悔碧澗有芹羹

蕨

塊破擎拳出盤行轉眼空掇荒非小補粉骨不言功
大荒村人掘蕨根搗粉謂之烏糯類以脫死者甚衆
辛卯

薺

犯寒青匝野信手各盈襜不與草爭長聽教茶比甘

筍

出殺瘞五皮獲麟髡一角煮箒太慙生非關渠善謔

雲起亭

水窮雲四起出岫本無心莫負蒼生望須為旱歲霖

西戶

行樂惜分陰或風雨有疾細數一年中戶開能幾日

山居二十詠

山居

經始得山居幽尋跡不疎自開溪上徑花露泣前魚

竹坡

有圃無修竹其如借宅何寧忘三月味不厭此君多

芝榭

築榭芝山麓仍年再產芝欲求茹芝法已與赤松期

樵徑

松釵藏曲徑林浪積枯枝足了園炊用何須壞處庖

茶丘

半世別玉州夢憶仙人掌
經立獲鎗旗清思飄雲上

栗嶺

霜栗大如拳皺開穰獻熟
借問嘉卉山何如白鴉谷

茅軒

翦茅聊復爾步履欲何之
風捲三重去危簷雀護兒

蜂廬

分去聲窠能擇地識路自尋花
不候譙門鼓羣飛晚趁衙

情話齋

意到非饒舌情親易解頤或時鐺脚坐不効劒頭炊

榴花城

榴豔對枯筇西來解后同折花羞鬢白未挿已顏紅

錦被堆

錦衾鋪綠野山麝可曾眠蕙帳塵凝席花殘鶴惘然

潁桐

一名百日紅

花涵百日紅色到三秋重葉大好題詩叢卑難集鳳

雙魚

犀角透魚龍石肌蘊星斗亦有無情花枝頭魚貫柳

薔薇

竹外霞為幄花間錦作籬離宮多怨女吃吃竟亡隋

迎春

一名黃雀兒

桃杏正酣酣光春當仲月吐豔既後時嘉名安可竊

長生草

經時久枯槁得水即青葱起死醫無藥返魂香有功

雲松關

葉生新易舊歲寒凋獨後不改四時柯賢言非聖耦

山樊

藥碎葉傷多風韻弗娛目獨抱絕塵香無心出幽谷

躑躅崦

一氣浹羣芳漫山躑躅黃有誰相領畧自解度春光

野草

發生寧有種滋蔓妨人路不得十月霜掃除難盡去

盤洲文集卷九

欽定四庫全書

盤洲文集卷十

宋 洪适 撰

挽章

錢伸仲挽詩二首

佩蘭扈芷楚三閭
抽秘騁妍漢子虛
甘向黑頭辭印綬
肯將白眼對圖書
清規盡入先賢傳
總帳空馳長者車
千里纏悲付虞殯
西風吹淚著襟裾

秋來鴻羽得新文不謂回風限九原起起若為償歲夢
嘻嘻無復對朝言一編徒挂延陵劍三徑誰開靖節樽
塵迹蓋棺渾莫問墓頭黃石拜兒孫

程通判挽詩二首

力行先孝友潛處伴漁樵日奉斑衣戲風移尺布謠白
頭方得祿朱紱便登朝車作驂騑折松烟唱鼓簫

日游通德里會面蓋先傾我作南垂去君成東蓼行忽
持芻束莫忍聽薤歌聲為看三珠樹門高莫與京

熊直閣挽詩二首

文石榮三接君王膝屢前蒲鞭如漢日鹽筴有蘇天未
上甘泉道俄聞京兆阡傳家文史足不在一囊錢
居巷相南北登門久歲時溫言流肺腑和氣見鬚眉日
吳長沙傅年凋絳縣師春雲冒丹旒同會袂成帷

中大族伯挽詩二首

笑談登月窟轉眄憂天池十載董狐筆兩州龔遂祠文
章傳古法名姓畏人知忽作龍蛇夢今無甲子疑

久矣宮盤谷幡然築大達方瞻烏亦好已問鵬何之無
復竹林會忍聞蒿里期行行遡西日有淚若連絲

朱承事挽詩

鄉關聞德耀子姓有佳聲五十貴不驗三千功已成山
幽雙劍合桂近一枝榮他日先賢傳求之月旦評

臧縣尉挽詩

共在鄉人後相高君子前家聲部大鼎利器楚龍淵不
相買臣貴竟傳梅福仙只今空漬酒落筆更悽然

程參政挽詩三首

身近長安日官無州縣勞黃麻襲姚似赤烏等伊臯量
與南溟闊名如北斗高十年蟠綠野軒冕一秋毫

聖主更琴瑟真儒政事參上階占兩雨東第得潭潭忽
卧漳濱疾虛傳澠水談驂騑好千里底事學吳蠶

一顧驚增價兼收雁作行篇章非子墨藻鑒誤雌黃雲
淡番君國年荒陸氏莊眼看飛旄出雨泣漫淋浪

李沆州挽詩二首

籍籍臺郎日臯蘇遠拍肩疏陳三尺法制可九重天不
使金橫帶俄驚酒漬縣平亭知有報高蓋拂脩椽
朱幡今素幔歸路乃長迷露菊荒三徑春棠疊五溪新
丘悲寓馬陳迹記談犀淚迸無乾袖重雲入望低

程司戶挽詩

把酒論詩日高標迴絕塵那知三語掾便作百年人山
霧銘旌濕松風挽鐸頻流光須有後何必在其身

程樞使母永嘉郡夫人挽詩二首

華族鳴徽久，閨風藹德門。
鴻樞看子貴，象掃拜君恩。
純孝纏吹棘，端憂隕得萱。
板輿無復御，舊迹識家園。
赫奕家聲振，吾鄉今所稀。
北堂黃髮壽，西府黑頭歸。
方羨含飴樂，俄聞侍膳非。
萬家旁置處，空愴白雲飛。

郭太尉挽詩

閒適珍臺興，舊儀趣歸方。
俟詔封泥入，生七十古猶少。
執政二三今，與齊忽見墓。
門陳石馬空，懷賓閤奉金犀。
不須知識方，流涕處處俱。
成桃李蹊。

羅尚書挽詩三首

周旋儀禁路契合本孤忠帝識尚書履人驚御史驄貴
名青史上謹論皂囊中不入三台志鹽梅事竟空

當年持從橐白髮奉親闈安否君王問尊榮簡策稀祥
琴曾未御丹旒已同飛蕭瑟千章柏深藏五綵衣

連蹇魚符忝宗師藻鑑亡但瞻揚子宅莫避蓋公堂遠
水松區對東風緋路長九原精爽在遺恨一莊荒

向通判挽詩二首

屢薦聲名白低飛鬢髮蒼平生幾朱紱夢寐一黃梁利
刃盤根出明珠後乘光洪都囚不死陰德未渠央
里社承顏舊情非數面親令名高月旦和氣藹陽春乍
闊談揮麈俄驚冢臥麟濡毫記遺事顧我不如人

俞淑人挽詩

名父尹京日移天冠柏臺齊眉豐俎豆繼踵脫塵埃德
比人如玉情鍾子在梅山高雲不去虞殯有餘哀

何宜人挽詩

心了金剛偈身膺石窠封靈津雙劍合平壤萬家容感
慕風吹棘悲涼霧唱松鄉人清淚落可但輟鄰耕

魏恭人挽詩

儒門傳禮法婦道有初終石窠重封貴金章上壽同含
飴談往日吹棘愴來風紉路芻靈監春朝里巷空

沈淑人挽詩

尊章歡二姓八座對厖眉井井傳家法繩繩賴母儀川
靈雙劍躍壤吉萬家移多少龍灣樹雲藏不盡悲

余吏部挽詩三首

石月顛門學儒林譽翕然
蓋鹽家有塾菽水坐無羶
孝永趨庭日名成佩鞶年
流芳千載下不減漢韋賢

入臺光六察言事過同寮
可畏觸邪豸元非開口椒
名來仍襮被老去但乘輶
未報蒲輪聘巫陽已下招

清音扁新閣山色送溪聲
尚欠題詩債難尋把酒盟
囊空無長物甌墮底浮名
紉路他州遠臨風淚睫橫

章通判挽詩二首

丹霄籍薦口白首滯微官涉世無圭角論交出肺肝翔
鸞說秋浦展驥到新安泉下齋遺恨絲綸趣掛冠

富州春再見風月款平分翠竹曾留我紅梅獨對君遣
書成掛劍揮涕屢沾巾千里佳城閉哀笳不得聞

陳左相挽詩三首

盛德波千頃清風偃俊躔兩朝隆柱石四海入陶甄致
主唐虞上齊名房杜前期願慳上壽底處問蒼天

往昔旄頭起羣心共震驚指麾戎幕固談笑敵氛傾繡

黼重當國纔裘即斂兵巖巖謝安石不數晉公卿
天意尊黃髮人扶上玉墀傳呼晝接後邂逅日斜時瞻
仰三台圻淪亡一鑑悲千秋名不朽奎畫在豐碑

楊和王挽詩二首

矍鑠猿羈出魁梧玉帶輕良家三世將幕府萬人英長
嘯臨天塹兵氛散敵營黃壚有遺恨不見朔方平

三紀羽林衛千秋彝鼎銘拔材多勇爵教子寶遺經淮
上開王社雲邊落將星後來思燕頤麟閣仰丹青

許倩幼失所恃得地辦葬名其亭曰棘風求詩

紀事

擇鄰傳懿範負土踵前規回首樹萱錄動心吹棘詩幽
亭三鼎變吉壤萬家隨度曲薰絃絕臨風淚滿頤

汪德邵挽詩

監郡能名播分符治行高俄驚駒過隙不見鶴鳴臯三
徑賓朋散重樓柱石牢傷心丹旆舉舊事記松醪

彭叔容挽詩

襟宇無畦町鄉評有譽言宦途材智出名閭典刑存未
試牛刀手俄招馬鬣魂有懷尊酒日揮淚北山昏

章令人挽詩

肥家尊淑範閱世悟浮漚風棘慈顏隔堂萱子舍憂六
珈齊上壽一劒躍中流緋路傾隣曲淒其松露秋

梁竑夫挽詩二首

材高易盤錯語妙出波瀾和氣如春暖交情耐歲寒牧
民千里治奉使五刑寬杖屨裒陳迹琴亡曲罷彈

向來持國秉貢禹合彈冠予節緣心計飛章或面謾開
陳疑已釋騰躍事非難覆餗長緘恨何知便蓋棺

魏彥誠挽詩三首

星文推獨步風采偃先聲沉慮千人廢高談一座傾蘇
枯崇治效去草折奸萌春霧新阡陌裁詩淚睫橫

偃月欺天日淫刑及反脣程論傳學者粵嶺作流人貽
後端無憾瞻前詎有隣太剛終齟齬袖手老江濱

昔年同攬轡累日到門闌題竹飛松管觀魚走玉槃著

鞭顏有愧推轂力何難
翻坐葭莩累塵凝貢氏冠

汪樞使挽詩二首

兩朝尊輔拂一德贊規恢
簡劾人所畏囊封天可回
指揮兵事密談笑塞氛開
尺五魁三象俄驚山嶽頽
天陞黃麻出同時拜寵榮
薦賢窺汲引謀國冀昇平
睽闊仍寒暑吁嗟隔死生
門人有碑誄不數漢公卿

榮國李夫人挽詩

斗樞光梓里壺德講魚軒
教子詩書足齊家禮法尊
相

隨雙劍逝來弔一躬存松霧銘旌暗悲歌塞墓門

許碩人挽詩

敬蘭光相閭采藻助儒宗偕老金犀貴增封石窅重川
深雙劍合壤吉萬家客遙想銘旌舉悲風唱霧松

向侍郎挽詩二首

策足王城日聲名顯妙年剴裁無肯綮施置不拘牽驚
坐瞻揮麈豐財賴筭鞭中興良吏盛佳傳壓甘泉

沃轡環天下澄清今范滂帶牛姦破穴問馬智盈囊踰

七春秋足尊三爵德光鄉閭失耆舊緇路送車忙

余文特挽詩

決科榮綵服諾仕振芳埃金玉胸懷好珠璣言語堆一
麾臨白首八載厄黃能情話今陳迹悲悰袞袞來

張待制挽詩

松關辭舊隱平步漢甘泉破敵資長策豐財簡細旃
荒陰德大尚齒達尊全觴豆懷陳迹風悲馬鬣阡

彭仲光挽詩

吉德傳鄉黨家聲企大儒九霄欣得路五馬議分符
歎息人琴逝淒涼鄰曲孤霜風丹旆舉松霧暗黃壚

樞弟挽詩三首

少小猶朋友陳編晝夜開同時題雁塔旬月聚麟臺
詞掖君先達台階我後來傷心今古隔楚挽不勝哀

投老開三選聯翩北郭門
嘲花詩插架對竹酒盈尊
歎息千秋宅荒涼十畝園
談叢鐫折脚雲暗脊令原

靜鎮多遺愛存橋有遠謀
禁林傳大冊宥地簡前旒
疾

也勞心得生乎撒手休三年棠棣徑倚杖淚爭流

陳公秀吏部挽詩

頃陟詞壇日初瞻雁塔名坐瓊甘獨冷揭節守真清蚤
蜚能陰中驂駟使卻行佳城千里外無處送銘旌

張龍學挽詩二首

今代風雲會何人善論兵丹墀凝睿想黃石踵家聲瑞
國儀千仞籌邊妙兩楹重泉有遺恨不見復神京

中臺雙挈橐重鎮四分符井地觀佳政林蠻鑠異圖犁

添長樂犢鞭截豫章蒲處處甘棠淚黃童白叟俱

周尚書挽詩二首

九師迷易說皇極倡先天學苦韋編絕名高雁塔懸朱
輻多惠露紫橐表甘泉歎息佳城閉喬松鎖墓烟

憶昨登瀛日官曹幸接聯再來聞國論及見上經筵淵
識闕靈憲嘉謨湊細旃生芻千里奠覓句一潛然

姚參政挽詩二首

發軔詞壇日曾同蕭寺盟望洋吞渤澥歷塊指幽并不

競二三策難淹九萬程
君王顙賜第千佛漫聯名
晉畫光三接霜臺肅紀綱
栽培指佞草重疊上書囊
筆
索留施設鈞樞憶贊襄
傷心左溪路松檜已成行

周知郡挽詩

德比圭璋潤言如布帛溫
休心馳宦路寓意傲家園
侯國思遺愛吾鄉欠達尊
佳城鄰別墅松霧望中昏

葉提刑挽詩

冠帶橋門擁曾披星斗文
屬鞬尋耿賈投筆遠淵雲
獻

納頻三接平反自一欣淒涼真率會鷗鷺也離羣

彭叔陽挽詩

買鄰喬木近不隔一牛鳴甲第夸新作高樓待落成未
教長縱壑亦合且專城矯首天難問傷哉挽鐸聲

參議弟挽詩

新築久同隱崇桃存舊栽壺中春漫別花下我頻來議
幙三年隔喪舟千里回琴亡情話絕淚落有餘哀

盤洲文集卷十